



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

გავეთი

გავეთი, XIII–XIV სს. მიჯნის ქართული ხუროთმოძღვრების ძეგლი, წმ. გიორგის ეკლესია მესხეთში, ასპინძის მუნიციპ-ში, გავეთის ნასოფლარის ტერიტორიაზე, შიშველ და უდაბურ ადგილას. ნაგებია მოწითალო ფერის კარგად გათლილი კვადრებით. კედლები მასიურია. გეგმით სწორკუთხა ერთნაჲიან ნაგებობას სამი შესასვლელი ჰქონდა: დას-ით (დიდი ხნის ამოშენებულია), სამხრ-ით (ამოშენებულია) და ჩრდ-ით. დარბაზი საბჯენი თალით ორ ნაწილად არის გაყოფილი. შიგა სივრცე დიდია და მაღალი. კედლები შიგნიდან ცუდად არის ნაწყობი, როგორც ჩანს, შელესვა და მოხატვა ყოფილა გათვალისწინებული. ფასადები მარტივია, ჭარბობს გლუვი სიბრტყეები. კარ-სარკმელთა ძუნწი დეკორისა და ცალკეული ორნამენტული მოტივების მიხედვით იგი საფარა-ზარზმის ხუროთმოძღვრულ წრეში ექცევა. განსხვავებულია სამხრ. ფასადის შესასვლელისა და სარკმელთა საპირეების თაღები, რ-თაც ქართ. ხუროთმოძღვრებისათვის უცხო მუზარადისებრი მოხაზულობა აქვთ (ისლამური ელემენტი).

ლიტ.: ბ ე რ ი ძ ე ვ., სამცხის ხუროთმოძღვრება. XIII–XVI სს., თბ., 1955.

თ. საყვარელიძე
